

**U ovom broju, između ostalog, čitajte:**

- **UO UPFBiH: Poslodavci nezadovoljni odnosom i radom vlasti, traže hitna rješenja za bolje poslovno okruženje i status realnog sektora**
- **Poslodavci ohrabreni najavama ministra zdravstva FBiH**
- **Održan sastanak rukovodstva UPFBiH i predstavnika Vlade ZDK**
- **Sastanak sa ministrom Delićem**
- **Sastanak rukovodstva UPFBiH i Udruženja poslodavaca i samostalnih privrednika Konjic**
- **Rukovodstvo UPFBiH i UBBiH održali sastanak**





## UO UPFBiH: Poslodavci nezadovoljni odnosom i radom vlasti, traže hitna rješenja za bolje poslovno okruženje i status realnog sektora

### Upućen je apel vlastima da što hitnije krenu sa donošenjem reformskih zakona

Poslodavci u Federaciji Bosne i Hercegovine nezadovoljni su odnosom i radom aktuelnih vlasti na državnom, federalnom i kantonalnim nivoima na provedbi reformi i donošenju sistemskih propisa čija bi primjena omogućila povećanje plaća zaposlenih u realnom sektoru, konkurentnost privrede, zaustavljanje odlaska kvalificirane radne snage iz BiH, ali i omogućilo bolji životni standard građana, zaključeno je na proširenoj sjednici Upravnog odbora Udruženja poslodavaca FBiH kojoj je prisustvovalo više od 60 poslodavaca iz cijele FBiH te predstavnika akademske zajednice.



Na sastanku je naglašeno da je neophodno pojačati aktivnosti i unaprijediti saradnju sa aktuelnim vlastima u smislu poboljšanja dijaloga među socijalnim partnerima i bržeg reagiranja i donošenja sistemskih propisa i provođenja neophodnih reformi.

"Naš prioritet i u ovoj godini je uspostava i početak rada Ekonomsko-socijalnog vijeća i

donošenje fiskalnih zakona kojima će se značajno smanjiti opterećenje cijene rada. Nažalost, svjedočimo donošenju programskih i budžetskih dokumenata na svima nivoima u FBiH za 2024. godinu u kojima nisu razrađene aktivnosti i predviđena sredstva za provedbu fiskalnih zakona, što je jasan znak da vlasti ni u ovoj godini ne namjeravaju donijeti zakone kojima će se smanjiti

porezi i doprinosi na plaće zaposlenih, urediti oblast poreza na dobit, minimalne plaće, a teška fiskalna i parafiskalna opterećenja cijene rada i dalje ostaju najviša u Europi. To možemo i moramo hitno mijenjati", istakao je direktor UPFBiH Mario Nenadić.



Istaknuti privrednici, članovi Upravnog odbora, naglasili su tokom sjednice da se uvjeti za poslovanje u FBiH pogoršavaju, da kompanije iz FBiH gube konkurentnost na svjetskom tržištu te da su u naročito teškom položaju izvozno orijentirane kompanije. Poseban problem predstavlja tržište rada na čijoj liberalizaciji insistiraju poslodavci već godinama, a koje je još uvijek

opterećeno sporim i neefikasnim procedurama, neusvajanjem Zakona o posredovanju u zapošljavanju, Zakona o zapošljavanju stranaca u FBiH i dr.

UPFBiH će nastaviti insistirati na donošenju izmjena Zakona o zdravstvenom osiguranju FBiH, u smislu osiguranja besplatnog zdravstvenog osiguranja za sve građane FBiH, kako bi se jasno razdvojili aktivni tražioci posla od osoba koje su na biroima za zapošljavanje samo iz razloga besplatnog zdravstvenog osiguranja.

Na sastanku je istaknuta potreba što hitnijeg početka procesa reforme obrazovnog sistema u FBiH koji u ovome trenutku ne odgovara potrebama tržišta rada, a nije riješeno ni pitanje dualnog obrazovanja ni obrazovanja odraslih.

UPFBiH insistira na što bržem uspostavljanju ekonomsko-socijalnog dijaloga i Ekonomsko-socijalnog vijeća za teritoriju Federacije BiH, jer je apsolutno nedopustivo da vlasti donose zakone i odluke koje se direktno tiču privrede i realnog sektora, a da se prethodno o tome ne izjasne socijalni partneri, poslodavci i sindikati.



UPFBiH je prije godinu i po dana dostavilo svim političkim strankama u FBiH dokument "Šta poslodavci očekuju od vlasti" sa više od 40 prijedloga izmjena i dopuna zakona i novih zakona čije bi donošenje omogućio poboljšanje poslovnog ambijenta i zaustavljanje odlaska kvalificirane radne snage iz BiH.

Nažalost, iako su to obećali poslodavcima prije i nakon općih izbora 2022. godine i najavili podršku ovim prijedlozima, vlasti nisu iskoristile predložena rješenja kao barem osnovu za dogovore u rješavanju nagomilanih problema u privredi.


Sa proširene sjednice Upravnog odbora upućen je apel vlastima da što hitnije krenu sa donošenjem reformskih zakona, kako bi se poboljšao poslovni ambijent, unaprijedili tehnološki procesi, kreirala nova radna mjesta, omogućile nove investicije u savremene tehnologije, unaprijedilo kreiranje neophodnih projekata i zaustavio odlazak mladih i kvalificiranih radnika.

Ukoliko se ne donesu hitni zakoni bh. privreda gubi konkurentnost, smanjit će se izvoz, izgubiti radna mjesta, što bi u ovoj godini moglo doprinijeti nastavku iseljavanja mladih i kvalificiranih radnika i stanovništva iz BiH.

Zaduženo je rukovodstvo Udruženja da u ime svih poslodavaca u FBiH traži hitne sastanke i tematske rasprave sa predstavnicima izvršne i zakonodavne vlasti na svim nivoima vlasti, kako bi se o spomenutim i drugim temama iz domena privrede i uvjeta poslovanja, što prije obavile neophodne konsultacije, pripremili strateški dokumenti i usvojili propisi s ciljem poboljšanja stanja.

## Poslodavci ohrabreni najavama ministra zdravstva FBiH

**U toku je rad na izmjenama i dopunama propisa koji se odnose na zdravstvenu zaštitu, zdravstveno osiguranje, Zakon o liječništvu FBiH, ali i čitav niz drugih propisa vezanih za probleme zdravstva**




U skladu sa utvrđenim prioritetima u radu i zaključcima Upravnog odbora Udruženja poslodavaca u FBiH, predsjednik UPFBiH Adnan Smailbegović i direktor UPFBiH Mario Nenadić održali su sastanak sa ministrom zdravstva FBiH Nediljkom Rimcem.

Predstavnici Udruženja su upoznali ministra o problemima u oblasti zdravstvene zaštite stanovništva u FBiH, a koji se najviše reflektuju na uslove poslovanja.

Neki od problema vezani su za Zakon o zdravstvenom osiguranju prema kojem svaki od 42 dana bolovanja ide na teret poslodavaca. Za vrijeme bolovanja jednog radnika, poslodavac mora angažovati zamjenskog radnika, platiti njegov rad i time uduplati troškove po tom osnovu. Potrebno je osigurati propise i rješenja prema kojima se bolovanje na teret poslodavaca treba smanjiti i pravednije rasporediti između poslodavaca i fondova zdravstva i socijalnog osiguranja koje svakako već pune sami poslodavci.

Razgovaralo se i o velikim troškovima liječenja koje imaju poslodavci u slučaju povreda na



radu, a koje nisu izazvane greškom poslodavaca. Zloupotrebe u ovoj oblasti su velike i treba ih kroz izmjene propisa eliminirati ili makar značajno smanjiti.

Poseban problem, a vezan za zdravstvenu zaštitu, koji također u konačnici pada na štetu poslodavaca, jesu problem evidencija nezaposlenih osoba kojima se stvara privid raspoloživosti radne snage. Poslodavci su na sastanku podsjetili da je najveći broj nezaposlenih osoba u FBiH prijavljen na evidencije nezaposlenih zbog regulisanja zdravstvene zaštite i da nisu aktivni tražitelji posla, te je neophodno razdvajanje ovih evidencija, pri čemu poslodavci naglašavaju da niko u FBiH ne smije po ovom osnovu ostati bez zdravstvenog osiguranja i zaštite. Razgovarano je i o proširenju inicijative kroz sistem "Zdravstvo za sve".

Ova, ali i druga pitanja, predmet su rješavanja kroz pokrenute reforme u zdravstvu u FBiH.

Ministar je informisao predstavnike Udruženja da je pokrenuo opsežne reforme po predmetnim pitanjima.

U toku je rad na izmjenama i dopunama propisa koji se odnose na zdravstvenu zaštitu, zdravstveno osiguranje, Zakon o liječništvu FBiH, ali i čitav niz drugih propisa vezanih za probleme zdravstva u FBiH koje imaju implikacije i na poslovno okruženje. Neki od propisa i rješenja, kao što su pitanje razdvajanja evidencija nezaposlenih od evidencija zdravstvenog osiguranja, tražit će se i kroz izmjene Zakona o posredovanju u zapošljavanju, što je iz nadležnosti drugih resora u Vladi FBiH, a već se radi i na ovom pitanju.

Ministar je vrlo detaljno obavijestio predstavnike Udruženja da su spomenuta pitanja podijeljena nadležnost između Federacije BiH i kantona i da su inicijative i nacrti upućeni kantonima na davanje neophodnih mišljenja po predloženim rješenjima.

Odmah po objedinjavanju mišljenja nadležnih institucija, ministar Rimac je najavio šire konsultacije i upućivanje propisa u daljnju proceduru.

Zajednički stav učesnika sastanka je da se radi o važnim i dugo čekanim rješenjima i da je neophodno sve aktivnosti dobro iskoordinirati i ubrzati njihovo rješavanje.

Ministar je na kraju pozvao predstavnike Udruženja na usku saradnju po ovim i drugim pitanjima koja se odnose na poslovno okruženje, a iz nadležnosti su Ministarstva zdravstva u FBiH.

## Održan sastanak rukovodstva UPFBiH i predstavnika Vlade ZDK



Na inicijativu UPFBiH 09. januara 2024. godine održan je sastanak rukovodstva UPFBiH, predsjednika Adnana Smailbegovića i direktora Maria Nenadića sa premijerom ZDK Nezirom Pivićem, predsjedavajućim Skupštine ZDK Ćazimom Huskićem i ministrom privrede ZDK Samirom Šibonjićem. Predstavници Udruženja predstavili su aktivnosti i programske planove Udruženja te informisali prisutne o problemima i prioritetima koji su rješavaju u saradnji sa resornim ministarstvima i vlastima na svim nivoima u BiH. Rukovodstvo je također upoznalo prisutne sa nastavkom aktivnosti u 2024. godini i prioritetima UPFBiH koji se odnose na pokrenute fiskalne reforme, pitanja radne snage i očekivanu podršku poslodavcima s ciljem poboljšanja poslovnog okruženja.

Predstavnici Vlade ZDK istakli su da je usaglašen i usvojen Budžet te da se radi na programu utroška istog. Naglasi su da se puno ulaže i nastavit će sa ulaganjem u privredne aktivnosti, te da je usvojeni budžet najveći do sada i iznosi 595 miliona KM. Vlada ZDK pozvala je poslodavce na saradnju na planu projekata razvoja privrede u narednom periodu, a najavili su i oživljavanje sajma ZEPS.

Na sastanku se razgovaralo i o važnosti sto skorijeg rješavanja pitanja Zakona o posredovanju u zapošljavanju, izmjena fiskalnih propisa, zapošljavanje i omogućavanje rada studenata, penzionera, osoba sa invaliditetom, ali i stranaca tamo gdje je to neophodno. Također je naglašeno da je potrebno eliminirati u što većoj mjeri crno tržište i unaprijediti pitanja zdravstvenog osiguranja, zaštite na radu i uslova rada radnika.

## Sastanak sa ministrom Delićem



Predsjednik i direktor UPFBiH Adnan Smailbegović i Mario Nenadić inicirali su i održali sastanak sa ministrom za rad i socijalnu politiku FBiH Adanom Delićem. Sastanak je održan 17. januara s ciljem razmjenjivanja informacije o prioritetima za 2024. godinu.

Predstavnici Udruženja naglasili su da su i dalje prioritet iz oblasti rada i socijalne politike usvajanje Zakona o posredovanju u zapošljavanju, hitan početak rada Ekonomsko-socijalnog vijeća FBiH, te usvajanja neophodnih izmjena i dopuna Zakona o radu, ali i da su ključna dva prioriteta u 2024. godini sa pozicije poslodavaca usvajanje seta fiskalnih propisa i liberalizacija tržišta rada.

Ministar je potvrdio da navedeni prioriteti veoma kompatibilni sa prioritetima Ministarstva te da, iako je u 2023. godini napravljen određeni iskorak, ipak nije onakav kakav se očekuje kada su u pitanju rad, zapošljavanje, posredovanje u zapošljavanju i drugo. Ministar je podržao zajedničke aktivnosti vlasti i poslodavaca na unapređenju poslovnog okruženja, posebno kroz fiskalne reforme, ali i poboljšanje okvira kroz Zakon o radu, Zakon o posredovanju u zapošljavanju.

Na sastanku se razgovaralo i o izmjenama Zakona o zaštiti na radu, ali i o pitanju usaglašavanja novih kolektivnih ugovora i proširenja važećih. UPFBiH i ovo ministarstvo će nastaviti zajednički rad koji treba da rezultira skorim usvajanjem spomenutih izmjena i dopuna propisa i drugih reformi u pravcu poboljšanja poslovnog ambijenta u FBiH.



## Rukovodstvo UPFBiH i UBBiH održali sastanak

Na inicijativu UPFBiH predsjednik i direktor sastali su 17.01.2024. godine se sa direktorom Udruženja banaka BiH Edisom Ražanica, a sastanku je prisustvovala i voditeljica Ureda Udruženja banaka BiH Velida Krvavac. Predstavnici Udruženja čestitali su Ražanici



imenovanje na poziciju direktora Udruženja banaka BiH te razmijenili informacije o značaju i ulozi udruženja u sistemu i poslovnoj zajednici generalno. Razgovaralo se i o važnosti izmjena određenih propisa s ciljem poboljšanja poslovnog okruženja, posebno o fiskalnim propisima, porezima, liberalizaciji tržišta rada i usaglašavanju određenih kolektivnih ugovora.

Udruženje banaka BiH je, prema ocjeni učesnika, veliko i važno udruženje poslovnih subjekata te u sistemu obavljaju važnu ulogu i to je jedan od razloga zbog kojih je UPFBiH pozvalo ovo udruženje da se uključe u aktivan rad i članstvo Udruženja poslodavaca u FBiH, a o čemu će se raspravljati na upravljačkim strukturama oba udruženja.

## Odgovor Ministarstva finansija FBiH na Uredbu o isplati pomoći od strane poslodavaca



Udruženje poslodavaca u FBiH, s obzirom da je članstvo ukazalo na određene nedorečenosti u Uredbi o isplati pomoći od strane poslodavaca, uputilo je Ministarstvu finansija FBiH zahtjev za tumačenje, odnosno mišljenje na pomenutu uredbu.

Ministarstvo je 16.01.2024. godine dostavilo odgovor koji možete pročitati [OVDJE](#).

## Sastanak rukovodstva UPFBiH i Udruženja poslodavaca i samostalnih privrednika Konjic



Rukovodstvo Udruženja poslodavaca u Federaciji Bosne i Hercegovine, u okviru svojih terenskih posjeta članicama UPFBiH i privrednicima u FBiH, sastalo se 18. januara 2024. godine u Konjicu sa direktom kompanije Eurosjaj i predsjednikom Udruženja poslodavaca i samostalnih privrednika Konjic Jasminom Badžakom.

Badžak je upoznao predstavnike UPFBiH o privrednim aktivnostima na području Konjica, razvojnim i drugim šansama te ključnim problemima i izazovima sa kojima se privrednici sa ovog područja susreću.

Naglasio je probleme vezano za opterećenje tržišta rada, radnu snagu, ali i pohvalno govorio o perspektivama bh. privrede, šansama za unapređenje izvoza roba i usluga.

Također, istakao je važnost uvezivanja privrednika na nivou kantona i FBiH te je dogovoreno da će se u narednom periodu u Konjicu organizovati širi susret privrednika kako bi dogovorili zajedničke aktivnosti i uključivanje u rad u Udruženje poslodavaca u FBiH, kako bi se napravio novi iskorak u jačanju poslovnog ambijenta.

Dogovoreno je da se pomenuti sastanak održi u narednih 15 dana.

## Efekti dobrovoljne akcije Zaključavamo cijene



U prve tri sedmice akcije "Zaključavamo cijene" koju je dogovorilo Federalno ministarstvo trgovine, Udruženje poslodavaca FBiH, udruženja potrošača i sindikata trgovačkih radnika ušteda na korpi od 40 proizvoda iznosi oko 35 KM.

Akcija je počela 15.12.2023. godine. Za prve tri sedmice Protokol o načinu provedbe akcije "Zaključavamo cijene" potpisalo je 31 trgovačko društvo koje pokriva cca 1.450 maloprodajnih objekata gdje se akcija provodi.

Isti su izabrali mogućnost zaključavanja cijena za određenih 40 prehrambenih i higijenskih proizvoda. Manjim trgovačkim subjektima omogućeno je da učestvuju u akciji sa minimalno 20 sniženih artikala.

Prema analizi prethodnih i "zaključanih" cijena ušteda u trgovačkim lancima je od 4% do 29,8%.

U trgovačkim društvima koji imaju veći broj proizvoda prijavljenih u ovoj akciji ušteda je u prosjeku 34,7 KM, a u trgovačkim društvima koja su prijavila manji broj proizvoda je prosječno 16,3 KM.

- Cijena proizvoda broj 1. Zamjensko mlijeko za dojenčad br.1 800 grama zaključana je 33,95 KM.

Ranija redovna maloprodajna cijena ovog proizvoda iznosila je od 34,5 KM do 39,15 KM u različitim trgovačkim društvima. Razlika ranije maloprodajne cijene i „zaključane cijene" je 5,2 KM, što procentualno iznosi oko 13,3%.

- Cijena proizvoda broj 2. Pelene dječije broj 3 (66 komada) zaključana je 21,85 KM.

Ranija redovna maloprodajna cijena ovog proizvoda bila je od 21,95 KM do 32 KM. Razlika ranije maloprodajne cijene i „zaključane cijene" je 10,15 KM, a procentualno 31,72%.

- Cijena proizvoda broj 3. Maramice vlažne dječije (72/1) zaključana je 1,6 KM.

Ranija redovna maloprodajna cijena ovog proizvoda je iznosila od 1,7 KM do 3 KM. Razlika ranije maloprodajne cijene i „zaključane cijene" je 1,4 KM, a procentualno 46,67%.

- Cijena proizvoda broj 4. Gel za tuširanje dječiji 400 ili 500 ml zaključana je 3,95 KM.

Ranija redovna maloprodajna cijena ovog proizvoda bila je od 4,3 KM do 6,95 KM. Razlika ranije maloprodajne cijene i „zaključane cijene" je 3 KM, a procentualno i do 43,20%.

- Cijena proizvoda broj 5. Higijenski ulošci cotton normal (10/1) zaključana je 1,9 KM.

Ranija redovna maloprodajna cijena ovog proizvoda bila je od 2,2 KM do 3,25 KM. Razlika ranije maloprodajne cijene i „zaključane cijene" je 1,4 KM, a prikazano procentualno i do 41,50%.

- Cijena proizvoda broj 6. Toaletni papir 2 sloja (2471) zaključana je 5,45 KM.

Ranija redovna maloprodajna cijena ovog proizvoda je od 5,45 KM do 8,8 KM. Razlika ranije maloprodajne cijene i „zaključane cijene" je 3,4 KM, a prikazano procentualno 38,10%.

- Cijena proizvoda broj 7. Šampon za kosu 1l zaključana je 2,95 KM

Ranija redovna maloprodajna cijena ovog proizvoda bila je između 2,95 KM i 4,65 KM. Razlika ranije maloprodajne cijene i „zaključane cijene" je 1,7 KM, a prikazano procentualno 36,60%.

- Cijena proizvoda broj 8. Sapun tekući 1l zaključana je 1,95 KM.

Ranija redovna maloprodajna cijena ovog proizvoda bila je od 1,95 KM do 3,5 KM. Razlika

ranije maloprodajne cijene i „zaključane cijene" je 1,6 KM, a procentualno 44,30%.

- Cijena proizvoda broj 9. Zubna pasta 125ml zaključana je 2,5 KM.

Ranija redovna maloprodajna cijena ovog proizvoda bila je od 2,55 KM do 4,5 KM. Razlika ranije maloprodajne cijene i „zaključane cijene" je oko 2KM, a prikazano procentualno i do 44,40%.

- Cijena proizvoda broj 10. Deterdžent praškasti za veš 3kg zaključana je 7,95 KM.

Ranija redovna maloprodajna cijena ovog proizvoda bila je od 7,95 KM do 11,95 KM. Razlika ranije maloprodajne cijene i „zaključane cijene" oko 4KM, a procentualno 33,50%.

- Cijena proizvoda broj 11. Deterdžent za suđe zaključana je 1,85 KM.

Ranija redovna maloprodajna cijena ovog proizvoda bila je 1,9 KM do 2,6 KM. Razlika ranije maloprodajne cijene i „zaključane cijene" je 0,8KM, a prikazano procentualno 28,80%.

- Cijena proizvoda broj 12. Pelene za odrasle L (20komada) zaključana je 21,45 KM.

Ranija redovna maloprodajna cijena ovog proizvoda bila je 22,95 KM do 26,95 KM. Razlika ranije maloprodajne cijene i „zaključane cijene" 5,5KM, a procentualno oko 20,40%.

- Cijena proizvoda broj 13. Hljev polubijeli 400g zaključana je 1,65 KM.

Ranija redovna maloprodajna cijena ovog proizvoda bila je 1,65 KM i 1,95 KM. Razlika ranije maloprodajne cijene i „zaključane cijene" se ide i do 0,3KM, a prikazano procentualno i do 15,40%.

- Cijena proizvoda broj 13. Hljev polubijeli 500g zaključana je 1,75 KM.

Ranija redovna maloprodajna cijena ovog proizvoda iznosila je 1,85 KM. Razlika ranije maloprodajne cijene i „zaključane cijene" je 0,1KM, odnosno 5,40%.

- Cijena proizvoda broj 14. Mlijeko 2,8%mm sa čepom 1l zaključana je 2,1 KM.

Ranija redovna maloprodajna cijena ovog proizvoda iznosila je od 2,10 KM do 2,6 KM. Razlika ranije maloprodajne cijene i „zaključane cijene" je oko 0,5KM, a procentualno 19,20%.

- Cijena proizvoda broj 15. Jaja kokošja M klasa (30komada) zaključana je 9,00 KM.

Ranija redovna maloprodajna cijena ovog proizvoda iznosila je od 9,00 KM do 10,5 KM. Razlika ranije maloprodajne cijene i „zaključane cijene“ je oko 1,5KM, a procentualno 14,30%.

- Cijena proizvoda broj 16. Jogurt tečni 2.8 %mm 1 l/1kg zaključana je 2,10 KM.

Ranija redovna maloprodajna cijena ovog proizvoda iznosila je od 2,1 KM do 2,45KM. Razlika ranije maloprodajne cijene i „zaključane cijene“ oko 0,4KM, a procentualno 14,30%.

- Cijena proizvoda broj 17. Pileći parizer/salama 400grama zaključana je 1,9 KM.

Ranija redovna maloprodajna cijena ovog proizvoda bila je između 1,9 KM i 2,4 KM. Razlika ranije maloprodajne cijene i „zaključane cijene“ je 0,6 KM, a procentualno 22,40%.

- Cijena proizvoda broj 18. Hrenovka pileća 100 grama zaključana je 0,75 KM.

Ranija redovna maloprodajna cijena ovog proizvoda bila je od 0,75 KM do 0,95KM. Razlika ranije maloprodajne cijene i „zaključane cijene“ je 0,2 KM ili 21,10%.

- Cijena proizvoda broj 19. Pavlaka kisela 20%mm (800 ili 850 grama) zaključana je 4,95 KM.

Ranija redovna maloprodajna cijena ovog proizvoda iznosila je od 4,95 KM do 5,95 KM. Razlika ranije maloprodajne cijene i „zaključane cijene“ je 1KM, a prikazano procentualno oko 16,80%.

- Cijena proizvoda broj 20. Margarin biljni (tvrdi) 250 grama zaključana je 1,40 KM.

Ranija redovna maloprodajna cijena ovog proizvoda bila je između 1,4 KM i 1,75 KM. Razlika ranije maloprodajne cijene i „zaključane cijene“ je 0,4 KM, a prikazano procentualno i do 20%.

- Cijena proizvoda broj 21. Pile svježke kesa 1kg zaključana je 6,5 KM.

Ranija redovna maloprodajna cijena bila je od 6,5 KM do 7,9 KM. Razlika ranije maloprodajne cijene i „zaključane cijene“ je 1,4 KM, a procentualno 17,7%.

- Cijena proizvoda broj 22. Svježki sir 20%mm (400 ili 450 grama) zaključana je 2,95 KM.

Ranija redovna maloprodajna cijena ovog proizvoda bila je od 2,95 KM i 3,90 KM. Razlika ranije maloprodajne cijene i „zaključane cijene“ je oko 1KM, a prikazano procentualno i do 24,40%.

- Cijena proizvoda broj 23. Sirni namaz classic, mliječni bez dodataka 200 grama zaključana je 2,65 KM.

Ranija redovna maloprodajna cijena bila je od 2,65 KM do 3,25 KM. Razlika ranije maloprodajne cijene i „zaključane cijene“ je oko 0,6 KM, a prikazano procentualno i do 18,5%.

- Cijena proizvoda broj 24. Brašno pšenično tip 500- 5kg zaključana je 5,65 KM.

Ranija redovna maloprodajna cijena ovog proizvoda iznosila je od 5,65 KM do 6,85 KM. Razlika ranije maloprodajne cijene i „zaključane cijene“ je 1,2 KM, a procentualno oko 17,50%.

- Cijena proizvoda broj 24. Brašno pšenično tip 500- 25kg zaključana je 23,95 KM.

Ranija redovna maloprodajna cijena ovog proizvoda bila je od 24,45 KM do 25,45 KM. Razlika ranije maloprodajne cijene i „zaključane cijene“ je oko 1,5 KM, a procentualno oko 5,80%.

- Cijena proizvoda broj 25. Jestivo suncokretovo ulje 1l zaključana je 2,45 KM.

Ranija redovna maloprodajna cijena ovog proizvoda bila je od 2,45 KM do 3,0 KM. Razlika ranije maloprodajne cijene i „zaključane cijene“ je oko 0,6 KM, a prikazano procentualno 18,3%.

- Cijena proizvoda broj 26. Riža dugo zrno bijela 800grama zaključana je 2,10 KM.

Ranija redovna maloprodajna cijena ovog proizvoda bila je od 2,20 KM do 3,25 KM. Razlika ranije maloprodajne cijene i „zaključane cijene“ je prosječno 1,2 KM, a procentualno do 35,4%.

- Cijena proizvoda broj 27. Makaroni penne rigate 400grama zaključana je 1,20 KM.

Ranija redovna maloprodajna cijena ovog proizvoda bila je od 1,20 KM do 1,65 KM. Razlika ranije maloprodajne cijene i „zaključane cijene“ je oko 0,5KM, a prikazano procentualno i do 27,3%.

- Cijena proizvoda broj 28. Šećer bijeli kristal 1kg zaključana je 2,10 KM.

Ranija redovna maloprodajna cijena ovog proizvoda bila je od 2,10 KM do 2,4 KM. Razlika ranije maloprodajne cijene i „zaključane cijene“ je oko 0,3 KM, a procentualno i do 12,5%.

- Cijena proizvoda broj 29. Grah trešnjevac I Klasa 1kg zaključana je 4,65 KM.

Ranija redovna maloprodajna cijena ovog proizvoda bila je između 4,7 KM i 6,4 KM. Razlika ranije maloprodajne cijene i „zaključane cijene“ je oko 1,8 KM, a prikazano procentualno i do 27,3%.

- Cijena proizvoda broj 30. Sardina u biljnom ulju (100 ili 125grama) zaključana je 1,70 KM.

Ranija redovna maloprodajna cijena ovog proizvoda bila je od 1,75 KM do 2,15 KM. Razlika ranije maloprodajne cijene i „zaključane cijene“ je oko 0,5 KM, a prikazano procentualno i do 20,9%.

- Cijena proizvoda broj 31. Pileća pašteta 100grama zaključana je 0,95 KM.

Ranija redovna maloprodajna cijena ovog proizvoda bila je od 0,95 KM do 1,65 KM. Razlika ranije maloprodajne cijene i „zaključane cijene“ je oko 0,7 KM, a procentualno i do 42,4%.

- Cijena proizvoda broj 32. Marmelada miješana kantica 700grama zaključana je 3,50 KM.

Ranija redovna maloprodajna cijena ovog proizvoda bila je od 3,65 KM do 4,3 KM. Razlika ranije maloprodajne cijene i „zaključane cijene“ je prosječno 0,8 KM, a procentualno oko 18,6%.

- Cijena proizvoda broj 33. Kafa tradicionalna 400 grama zaključana je 5,95 KM.

Ranija redovna maloprodajna cijena iznosila je od 6,2 KM do 6,95 KM. Razlika ranije maloprodajne cijene i „zaključane cijene“ je oko 1 KM, a prikazano procentualno i do 14,40%.

- Cijena proizvoda broj 33. Kafa tradicionalna 400 grama zaključana je 7,35 KM.

Ranija redovna maloprodajna cijena ovog proizvoda bila je od 7,35 KM do 9,45 KM. Razlika ranije maloprodajne cijene i „zaključane cijene“ oko 2,1 KM, a procentualno oko 22,2%.

- Cijena proizvoda broj 34. Sok multivitamin pet 2l zaključana je 2 KM.

Ranija redovna maloprodajna cijena ovog proizvoda bila je od 2 KM do 3 KM. Razlika ranije maloprodajne cijene i „zaključane cijene“ se ide i do 1KM, a prikazano procentualno i do 33,3%.

- Cijena proizvoda broj 35. Keks petit bez maslaca 400 grama zaključana je 1,45 KM.

Ranija redovna maloprodajna cijena ovog proizvoda bila je od 1,45 KM do 2,05 KM. Razlika ranije maloprodajne cijene i „zaključane cijene“ je oko 0,6 KM, a prikazano procentualno i do 29,3%.



- Cijena proizvoda broj 36. Čokolada mliječna (75 ili 80 grama) zaključana je 1,25 KM.

Ranija redovna maloprodajna cijena ovog proizvoda bila je od 1,25 KM do 1,80 KM. Razlika ranije maloprodajne cijene i „zaključane cijene“ je oko 0,6 KM, a procentualno do 30,6%.

- Cijena proizvoda broj 37. Supa kokošja sa tjesteninom (60 ili 65 grama) zaključana je 0,85 KM.

Ranija redovna maloprodajna cijena bila je od 0,85 KM do 1,10 KM. Razlika ranije maloprodajne cijene i „zaključane cijene“ je oko 0,3 KM, a procentualno do 22,7%.

- Cijena proizvoda broj 38. Supa goveđa sa tjesteninom (60 ili 65 grama) zaključana je 0,85 KM.

Ranija redovna maloprodajna cijena ovog proizvoda u različitim trgovačkim društvima bila je od 0,9 KM do 1,20 KM. Razlika ranije maloprodajne cijene i „zaključane cijene“ je oko 0,4 KM, a procentualno do 29,2%.

- Cijena proizvoda broj 39. Začin dodatak jelima sa povrćem 250 grama zaključana je 0,95 KM.

Ranija redovna maloprodajna cijena ovog proizvoda bila je od 0,95 KM do 1,50 KM. Razlika ranije maloprodajne cijene i „zaključane cijene“ je oko 0,6 KM, procentualno do 36,70%.

- Cijena proizvoda broj 40. Sapun tvrdi 90 grama zaključana je 0,85 KM.

Ranija redovna maloprodajna cijena ovog proizvoda bila je od 0,9 KM do 1,70 KM. Razlika ranije maloprodajne cijene i „zaključane cijene“ je oko 0,9 KM, a prikazano procentualno i do 50%.

Na [linku](#) su trgovačka društva koja su se priključila akciji i liste proizvoda sa "zaključanim cijenama" koje su dostavili.

Ušteda pri kupnji proizvoda koji su odabrani u ovoj akciji značajna i iznosi od 4% do 29,8%.

U trgovačkim društvima koji imaju veći broj proizvoda prijavljenih u ovoj akciji ušteda je u prosjeku 34,7 KM, a u trgovačkim društvima koja su prijavila manji broj proizvoda je prosječno 16,3 KM.



# UDRUŽENJE POSLODAVACA

---

UDRUŽENJE POSLODAVACA FBiH  
MARŠALA TITA 6, 71 000 SARAJEVO

TEL: 00 387 264 830

FAX: 00 387 33 552 461

MAIL: [info@upfbih.ba](mailto:info@upfbih.ba)

WEB: [www.upfbih.ba](http://www.upfbih.ba)